



Almasenahe di karni **Hürdó di espasio di almasenahe**

Datum

28-05-2020

Uw brief d.d.

Contactpersoon

Uw kenmerk

E-mail

info.uovz@gobiernu.cw

Ons nummer

Zaaknummer

Onderwerp

Eksigensha pa empresa ku ta almasená karni

Pagina's

2

Aantal Bijlagen

Esaki ta eksigensha pa empresarionan ku ta hür espasio di friu pa almasená karni/galiña pa bende por mayor.

Segun *Retributiebesluit 1992 no. 20* tin gastu mará na supervishon i kòntrol di espasio di friu (kul i vrizer òf sèl), walk-in i espasionan aparesido.

- Pa empresa chikí ku un kapasidat máksimo di 110m³ ta **Fl 120,-** pa aña.
- I pa empresa grandi ku kapasidat pa mas di 110m³ esaki ta **Fl 240,-** pa aña.

1. Proseso di importá karni

- Por importá karni i galiña for di estableimentu ku ta habilitá/sèrtifiká dor di dpto. di Asuntunan Veterinario, USDA òf Komishon Europeo pa eksportá bai respektivamente Merka òf Europa.
- Tur despacho ku ta importá mester bai akompañá pa un sèrtifikado di salú ofishal. Esaki mester ser presentá (huntu ku Bill of Lading i Faktura) na nos departamentu promé ku yegada di e karni pa aprobashon di entrada.
- Ta paga 5% di CIF na invoerkeurloon di karni i kùrmester mester inspekshoná tur despacho na frontera.
- A mèldu por eskrito ku tin un espasio di friu ta utilisá pa almasená karni/galiña

2. Eksigensha pa transporte di produkto kárniko

- Mester mantené karni kontinuamente den e temperaturá adekuá (sea entre -2 pa 4 grado òf bou di -18 grado Celsio. Esaki ta inklui transporte riba kaya for di frontera i ora entregá na kliente.
- E vehíkulo di transporte mester tin display di temperatura.
- Mester mantené e vehíkulo di transporte limpi pa medio di limpieza i desinfekshon regular. Mester registrá e momentunan di limpieza aki.

3. Reglanan pa ku almasenahe

- E produkto mester tin etikèt komprendibel den idioma ofishal (papiamentu, ingles, spaño òf hulandes).
- E etikèt mester kontené informashon di e produkto (Tipo di animal, Tipo di karni, Fecha di produkshon, Fecha di empaketashon, Fecha di ékspirashon, Kondishon di warda na °C, Pais di origen) i e number ofishal di estableimentu.
- Kahanan ku produkto no tin mag di tin kontakto direkto ku flur.
- Ta separá almasenamentu di karni empaká i karni no empaká.
- No tin mag di tin produkto ekspirá den almasén.
- Tin un registro di stòk: Ta manehá e sistema di First-In-First-Out.

4. E reglanan di higiena ku mester ta na altura di dje (pa ku almasenahe) ta:

- A. E espasio den kua lo almasená karni i e rèkinan den e espasio mester ta konstruí i mantené di tal forma ku e chèns di kontaminashon ta lo mínimo i e materialnan ku ta uza mester ta fásil pa laba i desinfektá.
- A. Tur e fasilidat di friu òf vris tin un monitor display visibel.
- B. Espasio friu ta alrederdor di -2 pa 4 °C (máximo 7°C)
- C. Espasio di vris tin un temperatura **máximo di -18 °C**
- D. Tin un separashon di e almasenamentu di produktonan di limpiesa i desinfekshon pa ku e área kaminda ta almasená komestibel.
- E. Porta, muraya i plafòn ta di un material ku ta fásil pa limpia i si ta nesesario desinfektá: un material ku no ta apsorbé vògt, ku ta lizu i ku no ta kaska òf kousa un fuente di kontaminashon den un forma òf otro
- F. Murayanan ta di un material lizu ku ta fásil pa limpia i desinfektá, ku no ta tuma ni laga humedat pasa i ku no ta kaska òf kousa un fuente di kontaminashon den un forma òf otro
- G. E material di e plafòn i fasilidatnan na plafòn ta trahá asina ku sushi no ta akumulá, awa no ta pasa, no tin akumulashon indeseá di beskein/"schimmel" òf kondensashon/"condens" i no tin partikulanen ku por lòs i kai for di e plafòn.
- H. Tin sufisiente lus artifisial, mas serka ku ta posibel na lus di dia. [mínimo di 350-400 lux den storage/almasen/kulsèl/vrissèl]
- I. Limpiesa i desinfekshon di e espasio di almasenahe mester tuma lugá segun protokòl deskribí dor di maneho di e almasen. E protokòl mester enserá método di limpiesa, frekuensha, produkto (food safe) di limpiesa. Limpiesa profundo mester tuma lugá mínimo un bes pa aña. Tin un registro òf skema kaminda ta registrá e limpiesa i desinfekshon di e espasionan.